



Sai:
Gofaex youq ndawndoeng,
Daiqnanz roengz bak fouj,
Haujlai boux saefouh,
Daeuj yawj youh dauq deuz.

Mbwk:
Bakdou miz faex hung,
Louz hawj vunz yiet raemh,
Daengq beix gaej bae raemj,
Louz haethaemh yiet liengz.

Sai:
Haeuj bya ra baengzyoux,
Raen golaeux gwnzrin,
Gou siengj bae yiet yim(yaem),
Lau gaenglingz daeuj nauh.

Mbwk:
Gwnzbya miz faex hung,
Deng gorungz lai raemh,
Mbouj dwg bouxlawz ndaem,
Miz raemh caez yiet liengz.

Sai:
Gofaex sang goq sang,
Nanz ndaej dang dienyah,
Gwnzmbwn mbouj roengz raq,
Raemx ndawdah hawq caez.

Mbwk:
Ndawndoeng miz faex lai,

Raemx gag baiz okdaeuj,
Dangh aenmbwn mbouj caeuh,
Ndawhaij raemx hawq caez.

Sai:
Gomienz cib caengz byak,
Guhmaz bak daengz ndaw,
Aenruz deng vunz caeu,
Gou guhlawz gvaq haij?

Mbwk:
Gofaex youq henzbya,
Baengh gijmaz ciengx rag?
Gohaeux yaek daihat,
Mbwn mbouj fat raemxraiz.

Sai:
Gofaex youq henzdat,
Baengh diuzrag biu ngaz,
Mbouj nanz roengz fwnraq,
Haeux hai va miz ngveih.

Mbwk:
Gofaex youq dathau,
Song fwngz ngauz mbouj doengh,
Siengj raemj ma doq loengx,
Gwed mbouj doengh hix nanz.

Sai:
Raemj aeu duenh cungqgyang,
Song raeuz gang aen gyaeuj,
Caez gwn dangz gyauz haeux,
Mbouj cinj bouxlawz haiz.

Mbwk:
Doengzcaez ram faexhung,
Ram daengz gwnz yietnaiq,
Dwg bouxvunz seiqgyaiq,
Lauhoengj vaih goengrengz.

Sai:
Song vunz ram song gyaeuj,
Caez gwn haeux gyauz dangz,
Raeuz fukheiq goj ngamj,
Cancan dangz riengz noh.

Mbwk:
Bakdou miz gocoengz,
Muengh fungh roengz dak fwed,
Muengh song da ok lwed,
Rox duz roengz dieg lawz?

Sai:
Bakdou miz gocoengz,
Fungh rox haengj ma douh,
Mbouj yungh leux baengzyoux,
Fungh daeuj douh gwnzdingj.

Mbwk:
Ndawndoi miz faex lai,
Dan gofaiz cuengq sienq,
Langh ndaej fungh ma ciengx,
Byaleix cienz bienq lungz.

Sai:
Ndawndoi miz faex lai,
Dan gofaiz hwnj hoh,
Ndaej beix daeuj ciuqgoq,
Bak yiengh hoj cienz lumz.

Mbwk:
Song gofaex doxap,
Rag doxgap cij ndei,
Siengj riengz nuengx doxgyaez,
Youh lau miz vunz hah.

Sai:
Song gofaex doxap,
Byaj bag mbouj faenhai,
Doengz Sanhboz Yinghdaiz,
Daengz dai caez caemh moh.

Mbwk:
Ndawndoi faex baenz baiz,
Dan gofaiz caux ceij,
Mboujguenj dai naeuz leix(lix),
Mbouj gvengq beix saek seiz.

Hab:
Song gofaex bingz baiz,
Rumz lai ngauz mbouj ning,
Beixnuengx it diuz sim,
Caez doengz sim doengz youq.



“Nazmbaeklae Gvanghfuz” Denzlinz hawj cien ranz fanh hoh soengq dienh.
Bangz Yungjcwngz ingj

“Byawz cungj nyinhnaeuz sw-
geij dwg vunzndei.” Daiq nyinhcaen
naeuz, “mboujguenj de baenzlawz
gangj, de vanzlij mbouj ndaej duet
‘vunzrwix’ aen mingz neix bae, gij
saeh de cij ndaej saenq dingznoix
ndwi.”

“Gou saenq de mbouj yaeuh gou,
gij saeh de gangj cungj dwg caen.”
Gou gwq euq, daiq doiq Aulungzgeiz
miz cwngzgen, gou mbouj doengzeiq
gij yawjap de.

“Nanzdauh mwngz saenq Lungz-
byauh cix mbouj saenq daiq?”

“Mwngz doiq Aulungzgeiz miz
cwngzgen.”

“Aenvih de dwg boux vunzrwix.”
Daiq euqgeuz naeuz, “mwngz mbouj
rox, gou dwen song gienh saeh mwngz
couh rox lo. Bonjlaiz bakdoulaux ranz
Ahvej miz seiq go faexnganx hung,
moix bi cungj baenz haujlai mak-
nganx, daj Lungzbyauh ndaej cuengq
dauq bi daihngeih, seiq go faexnganx
haenx sawqmwh youq ndaw bi ndeu
couh dairoz sam go lo.”

“Gofaexnganx dairoz le baenz-

•Sawcuenhrael Lwgnyez•

Gij Golwgnyez Henz Dahhoengz

红水谣

□ Lanz Haijyangz Moz Beibei / 蓝海洋 莫蓓蓓

lawz ndaej gvaiq Aulungzgeiz ne?”
Gou bang Aulungzgeiz gangj vah.

“Neix mwngz couh mbouj rox
lo, Lungzbyauh haemz dai vunz ranz
Ahvej lo, seiq go faexnganx haenx
gvendaengz gij minghsoq ranz de,
Lungzbyauh loengh dai gofaexnganx,
caen dahraix, mbouj gvaq song sam bi,
ranz Ahvej gonqlaeng couh dai bae le
geij boux vunzsai, goeng de, lungzlaux
de, lungzngeih de caeuq boh de,
mwngz naeuz Lungzbyauh baenzneix
guh doegsieb lwi?”

Daiq gangj daengz coenz laeng
seiz, gig gikdoengh, youq henzdaiz
byaij le song yamq, youh cienq ndang
naengh youq gwnz eijgvaengx, youh
cam gou coenz ndeu:

“Mwngz naeuz Lungzbyauh
baenzneix guh saedcaih cietdoh lai
luba!”

“De baenzlawz loengh dai go-
faexnganx ne? Aeu faggawq bae
gawq?” Gou lij dwg mbouj saenq
geijlai.

“De aeu fagdauz dauz gvaengx
naengfaex ganjfaexnganx bae, couh
lumj gvej hop naeng hoz bouxvunz bae
nei, baenzneix gofaexnganx couh
menhmenh reuqroz dai bae lo.”

“Baenzneix——” Gou gaxgonq
lij caengz ndaej dingqgangj gvaq gij
saeh neix, gvaiq mbouj ndaej bak-
doulaux ranz Ahvej seizneix cij lw
go faexnganx hung he ndwi lo, sam
gofaexnganx dairoz aiq deng gawq bae

vat deuz lo, caiq ndaem roengz haj
roek gofaexnganx iq. Buqvaih gij
funqsij ranz Ahvej, danghnaeuz caen
dwg Aulungzgeiz guh, de hix siengj
ndaej giuj, ca mbouj geijlai dwg de gaj
le bouxvunz ranz Ahvej lo, baenzneix
guh doeg lai lo!

“Caeklaiq doq baenranz bae,
lungzsa Ahvej cij ndaej lix, gizyawz
sam ranz miz vunz dai, miz vunz
bingh, ca mbouj geijlai goengq rag lo.”

“Aulungzgeiz daiq haemz
gyoengqde lo.”

“Aeu haemz, ceiq lai haemz
bohme Ahvej couh ndaej lo, youh
gvendaengz gizyawz sam ranz maz
saeh ne?”

(caengz sat)